

聖

賢

像

贊









長樂郡  
振鐸西  
諸子本

# 孔子像



## 孔子贊

道具太極化行二氣統合羣聖參贊  
 天地刪述垂憲日星炳明立我綱常  
 萬世作程  
 天地非夫子曷緯曷經生民非夫子  
 曷範曷程通天地人為三才主三才  
 有終夫子之道乃已



孔司寇像



孔司寇贊

魯用夫子 道亦小試

天用夫子 道濟萬世

魯用非天 天用非魯

卒老于行 天意可觀



顏子像



顏子贊

才優王佐

德躋聖域

既見卓爾

亦幾無迹

明哲天縱

純粹性成

發孔之蘊

後學式程



曾子像



曾子贊

道悟一貫 功密三省

大學一書 聖學要領

篤實之姿 弘毅之德

易筭數言 可驗學力



子游像



子游贊

所長擅科

知本之學

我思其人

簡易宏廓

禮樂為政

絃歌成音

學道之論

實契聖心



伍大夫員像



伍大夫員贊

盡孝雪耻 竭忠死諧

忠孝之心 子則無恨

忍小就大 功立名成

古烈丈夫 史遷實評



子思像



子思贊

學本心傳 道原性命

唐虞授受 父師講論

三十三篇 廣大精深

繼往開來 非子孰任



孟子像



孟子贊

聖遠道塞

異端並興

巖巖子輿

三聖是承

命世大才

平治之具

用寧齊安

三代可致



莊子周像



莊子周贊

其心廓廓 其氣浩浩

萬古瞬息 八荒堂奧

厭薄仁義 狎侮孔周

曲說之雄 異端之尤



屈大夫原像



屈大夫原贊

薰蕕殊器

涇渭異途

以子潔脩

豈容羣汙

義合有權

子弗忍熱

此志皎然

爭光日月



漢高祖像



漢高祖贊

皇矣高祖

天錫神武

一劍興戎

光登九五

坦乎其真

廓乎其容

包括英豪

範圍之中



項王羽像



項王

羽贊

勇力拔山

猛氣蓋世

經營大業

謂可力致

信義賊弑

攻城肆屠

滅德者凶

天亡匪誣



蕭鄩侯何像



蕭鄩侯何贊

佐時興王 根本重任

式贊治平 畫一之政

謙謙其退 翼翼其恭

一代元臣 高朗令終



曹靜侯參像



曹靜侯參贊

少而才能 豪吏健將

晚而謙恭 醇德雅量

清淨為治 刻深匪名

配蕭並賢 百世爾稱



張留侯良像



張留侯良贊

報韓狗義

輔漢乘時

誅秦感項

從容指揮

功成身退

願追赤松

大雅卓識

令名無窮



韓淮陰侯信像



韓淮陰侯信贊

定伯雄圖 登壇數辭

用兵制勝 霆擊風馳

功成既高 執義亦固

忘期赤松 英雄悔悞



漢文帝像



漢文帝贊

穆穆太宗

躬脩玄默

撫世以柔

化民以德

其俗肫肫

其功泯泯

三代之後

孰如帝仁



漢景帝像



漢景帝贊

帝也惟賢

克遵光志

謙恭儉朴

恪守無替

輕刑薄稅

民俗阜康

比隆成周

漢道以昌



漢武帝像



漢武帝贊

盛氣當陽

雄才御世

嘉樂唐虞

狹小漢制

振舉百度

征伐四裔

燁燁明明

恢我王治



董江都仲舒像



董江都仲舒贊

秦火初熄 典籍尚湮

子也傑出 倡始斯文

獨抱麟經 潛心大義

天人三策 治道攸寓



東方朔像



東方朔贊

傲忽玩世

浮沉隨時

不清不和

匪惠匪夷

滑稽自賢

俳優是視

諷諫時益

吾差有取



司馬遷像



司馬遷贊

博極羣書

綜統千古

豪氣孤騫

濶視無伍

發為文章

凌高厲空

一代奇才

史學之宗



霍博陸侯光像



霍博陸侯

光贊

子孟忠實

顧命是承

光輔幼帝

贊治太平

屹然如山

不震不測

廢昏立明

功著王室



漢宣帝像



漢宣帝贊

中宗強明

勵精圖治

布德振威

柔遠能通

皇靈赫奕

呼韓來庭

配商高宗

漢道復興



揚子雲雄像



揚子雲雄贊

揚子好學 研精覃思

法言僻澁 太玄深奇

著述良勤 擬聖則終

美新何為 名節斯疚



漢光武像



漢光武贊

白永龍興

光膺寶曆

日月重明

乾坤再開

慎德勤政

身致太平

山魏成功

匹休西京



嚴子陵光像



嚴子陵光贊

名節丘山

軒冕塵壒

懷仁負義

蘊畜亦大

漢室九鼎

桐江一絲

凜然清風

悠悠我思



鄧高密侯禹像



鄧高密侯禹贊

杖策從君際時風雲

少年秉鉞克樹大勛

將畧既優內行亦備

名高雲臺光輔漢治



馬伏波援像



馬伏波  
援贊

君擇臣使  
臣擇主從

舍彼虺蜴  
來依真龍

西伐南征  
老志愈烈

銅柱高標  
人仰英傑



漢明帝像



漢明帝贊

於惟顯宗

亦世其烈

憲章慎守

幽枉必雪

崇儒養老

文教聿興

增光前人

漢道允升



漢章帝像



漢章帝贊

肅宗愷悌

長者之風

政厭苛刻

論從雍雍

綜緝藝文

服膺帝道

厚澤深仁

簡冊有濯



郭有道泰像



郭有道泰贊

貞不絕俗  
隱不違親

言論夙旨  
賢愚傾心

和不辱身  
與不降志

我惟其人  
夷惠之似



徐孺子穉像



徐孺子穉贊

徐子高士居貧食力

貞介益固明哲允迪

君子道喪羣邪煽凶

我懷其人冥冥飛鴻



蔡中郎畫像



蔡中郎畫贊

孝行純備 經學邃深

曠世逸才 博物洽聞

箴規時政 忠謹懇惻

晚節依違 賢者之惜



漢昭烈帝像



漢昭烈帝贊

賢矣昭烈 寬厚弘毅

崎嶇立國 仗信履義

推誠任賢 肝膽孚契

顧命數詞 可訓後世



諸葛武侯亮像



諸葛武侯亮贊

文武長才 出處大義

俊偉光明 掀揭天地

伊呂作配 管晏匪倫

三代之後 惟公一人



關壽亭侯羽像



關壽亭侯羽贊

敵號萬人 勇若一國

義氣忠肝 凌雲貫日

何物么麼 穿窬之為

千百世下 仰公神威



魏太祖像



魏太祖贊

老瞞奸雄

才具明畧

威加海宇

力振山岳

魏業已固

漢鼎潛移

比迹文王

吾將誰欺



鍾太傅繇像



鍾太傅  
繇贊

元常偉才  
開遠理幹

委身魏朝  
裨益廟筭

拳拳肉刑  
復古之規

紛紛之言  
迄無所歸



司馬宣王懿像



司馬宣王

懿  
贊

仲達足智

用兵獨優

殄淵擒達

算無遺謀

仁勝不仁

遇亮則靡

巾幗之受

英雄之耻



吳大帝像



吳大帝贊

仲謀強明

委任才智

聽言能斷

業乃鼎峙

信義負漢

屈身事曹

傳世四君

霸圖亦消



周公瑾瑜像



周公瑾

瑜贊

矯矯公瑾

寔吳良臣

雄姿英發

籌策邁倫

老瞞長驅

志無江表

一戰蹙之

功莫與紹



晉武帝像



晉武帝贊

帝資弘裕

明達好謀

纂述先志

混一九州

禮優三恪

忠厚之道

貽謀弗臧

識者所少



晉元帝像



晉元帝贊

晉失中土  
元起江東

皇天眷德  
羣賢效忠

冲虛性成  
恭儉純至

雄武未優  
中興猶媿



王司徒導像



王司徒導贊

江左夷吾 忠實體國

雲雷方屯 急賢輔翊

建學明教 宏議遠識

約已夷淡 人服清德



謝文靖公安像



謝文靖公安贊

謝子賢輔 沉敏有文

和靖御物 從容解紛

逸志高情 日短途促

名埭悲思 西州慟哭



王右軍義之像



王右軍義之贊

風節雅尚

清貞自如

超出風氣

規切浮虛

憂國忠誠

識治通達

翰墨風流

祇見其末



陶彭澤淵明像



陶彭澤淵明贊

淵明氣豪

五斗弗屑

三徑藝菊

相看晚節

朝市非故

門庭依然

千古高風

我懷其賢



謝文靖公安像



謝文靖公安贊

謝子賢輔 沉敏有文

和靖御物 從容解紛

逸志高情 日短途促

名埭悲思 西州慟哭



宋武帝像



宋武帝贊

徒步仗劍

蕩殘除凶

沉毅才畧

一時之雄

震主功高

終膺寶曆

清儉嚴正

可謂君德



宋文帝像



宋文帝贊

恭儉德純

元嘉政美

守法不苛

容物無弛

內清外晏

文教亦舉

謀泄房帷

禍成商豎



檀永興公道濟像



檀永興公道濟贊

永興桓桓 將才汝嘉

勇見決戰 智徵量沙

作帝股肱 為國藩屏

自戕謂何 隣敵之慶



魏高祖像



魏高祖贊

睿性夙成

君德純備

外揚武功

內飭文治

禮樂脩舉

民物阜豐

蔚然可觀

太平之風



齊武帝像



齊武帝贊

宋既訖符

齊乃受曆

簡靜為治

寬大御物

崇儉屏奢

澄流塞源

金土同價

斯言未然



梁武帝像



梁武帝贊

著述浩穰

齊魯宿儒

性行簡儉

山澤之臞

梵典徒勤

帝紀不立

反噬鸞弧

皇圖遂訖



程忠壯公靈銑像



程忠壯公靈銑贊

侯氏亂梁 江左荼毒

惟忠壯公 保障南服

孰我脅誘 我斬以狗

大義茂功 百世猶存



昭明太子蕭統像



昭明太子蕭統贊

睿資天啓 令德夙聞

恭儉自居 仁柔愛人

纂緝辭章 博涉典籍

潛心梵教 茲其蔽惑



陳武帝像



陳武帝贊

英資傑氣

勝笑雄圖

蕩除凶殘

如拉朽枯

政從寬仁

志尚節儉

功名之盛

江左之冠



周高祖像



周高祖贊

率履勤儉

操執紀綱

雄圖遠畧

匹休前王

鞭笞四夷

混一區宇

有志未酬

英雄已矣



隋文帝像



隋文帝贊

勤儉興邦

法律御世

功就混一

俗幾康乂

猜刻習勝

奪宗計行

釀成厲階

王祚遂傾



文中子王通像



文中子  
王通贊

進欲為周

上策君門

退欲為孔

著書河汾

踈爽通達

志向亦偉

格言良多

稱隱君子



韓新義公擒虎像



新義公擒虎贊

韓公虎臣

猛氣橫鶯

祖征江南

疾捲襟渡

執彼國君

若縛狐兔

為時干城





原件短缺

P98 下半页缺







